

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Meditationum evangelicarum volumen tripartitum

Creidius, Hartmann

Francofurti ad Moenum, 1682

Exegesis

[urn:nbn:de:bsz:31-122776](#)

piscis exenterati collyrium præparat, quo postea cœco ipsius parenti viſus restituitur, Tob. 6. ver. 2. seqq.

Parem ferè historiam habemus in hodierno Evangelio, ubi Christus Hierosolymam proficisciatur, quod iter propter varias ibi sustinendas passiones ipſi periculorum, nobis verd salutare est. Nam spirituale collyrium nobis præparavit, quo oculi nostri aperiuntur, cuius beneficii typus est satio cœci, quem in via Hierosolymitana Christus restituit.

Videbimus nos

I. Concionem Christi passionalem.

II. Curam cœci supernaturalem.

J.J.

EX E G E S I S.

Z Achæus in arborem ascendit, ut vide-ret, quis esset Jesus, Luc. 19. vers. 4. Parimodo, si in arborem Crucis devotâ mentis elevatione ascendamus, videbimus, quis sit Jesus, quam bonus sit, quam misericors, & quanto nos amore complectatur. Monet hoc vocula ecce, quam Christus non abs re concioni sua præmittit. Ecce, inquit ascendimus Hierosolymam, & perficiuntur omnia, quæ scripta sunt per Prophetas de Filio hominis.

Cum attentione igitur debita notetur

I. Concionis locus, ubi habita fuerit, nempe in via Hierichuntina, cum ascenderet Hierosolymas, ut illic juxta Prophetarum prædictiones pateretur & moreretur.

Hoc exemplo nos monere voluit, quænam & qualia colloquia nostra in communivitæ conversatione tam domi quam foris esse debeant, nempe de passione, morte & resurrectione Domini nostri Jesu Christi, ut cum Paulo judicemus, nos aliud nil scire, nisi

Jesum Christum, & hunc crucifixum, 1. Cor. 2. v. 2. nec in alio nisi in cruce Domini nostri Jesu Christi gloriemur, Gal. 6. vers. 14. quod in primis notent ii, qui hoc tempore Bacchanalia celebrant, & complotando, saltando, gesticulando, indutis larvis Christianum nomen prostituunt. Nam obscenitas, stultiloquium, scurrilas, Christianis non conveniunt, inquit Paulus, Eph. 5. v. 3. 4.

II. Auditorum numerus. Nam assumpti Jesus duodecim, inquit Evangelista, & ait illis. Per duodecim intelliguntur Apostoli, quorum erant duodecim, quos ipse dictorum & gestorum suorum testes immediate vocaverat, Matth. 10. v. 2. Act. 1. v. 8. c. 10. v. 41. His exponit, quæ ipsi Hierosolymis eventura erant; Ita nos quoque solitudinem cavere debemus, præsertim tempore mortis, ubi Diabolus valde operosus est, sed amicos convocemus, ut illorum præsentia & consolatione ex Scripturis desumpta in agone mortis animemur & erigamur, ut Jacob Patriarcha, Gen. 49. vers. 33. & Joseph filius ejus hoc observarunt, Gen. 50. vers. 25. Si tamen fieri non potest, ut aliquem ex amicis tecum habeas, sed à patre & matre derelictum, in exilio & solitudine, morte aggreditur, vide ut Christum in corde retineas, qui fidelissimus amicus est suorum fidelium, & sicut dilexit eos à principio, sic ad finem perdurat, Johan. 13. vers. 1, hunc alloquere per orationem, & spiritum tuum ipsi commenda, tunc audies cum latrone vocem illam jucundissimam: Amen dico tibi, hodie mecum eris in paradiſo, Luc. 23. v. 43.

III. Rerum pondus. Non enim tractat ineptas & aniles fabulas, de quibus Paulus monet, 1. Tim. 4. v. 7. sed arduos fidei articulos Apostolis suis proponit

I. De

I. *De passione*, cuius quotidiana recordatio nostra debet esse meditatio, ut inquit Bernhardus. Nam propter iniquitates nostras vulneratus est, ut nobis pristinam salutem restitueret, *Esa. 53.v.5*. Describit autem Salvator passionem suam

1. *Ratione quantitatis*. Nam omnia inquit, consummabuntur, quæ dicta sunt per Prophetas de Filio hominis. Unde apparet, Christum non casu, sed definito consilio & præscientiâ Dei traditum esse, *Actor. 2. v. 23*. quod pertinent vaticinia, quæ in Scripturis passim occurunt, *Gen. 3. v. 15. c. 49. v. 11. Psal. 8. v. 6. & 22. v. 7. 18. seqq. 41. v. 10. 69. v. 22. Esa. 53. per tot. Daniel. 9. v. 26. Zach. 11. v. 12*. Itemque typi, quibus passio Christi præfigurata est, tam perpetui quales fuerunt sacrificia quotidie in tabernaculo & templo oblata in adumbrationem, quod pœna peccatis nostris debita in alium trânsferantur, & quia taurorum & hircorum sanguis non potuit tollere peccata, *Ebr. 10. v. 4*. ideo repetebantur semper. Item agnus paschalalis, vacca rufa, hircus emissarius, cui peccata totius populi imponebatur; quam temporii, ut sunt Isaacus ligna portans, *Gen. 22. v. 1. seqq. Josephus à fratribus venditus, & in carcerem detrusus, Gen. 37. vers. 23. 28. Serpens æneus, Num. 21. vers. 8. 9. Simson captivus, Jud. 16. vers. 23. Jonas in ventre ceti, Jon. 2. vers. 1*. Hæc omnia & singula in passione Christi consummata sunt, ita ut nihil occurrat in tota passionis Dominicæ historia, de quo non exteat in V. T. Prophetarum vaticinia. Nam Spiritus Christi qui fuit in Prophetis, prænunciavat eas quæ in Christo venturæ erant passiones & secuturas glorias, *1. Pet. 1. v. 11*.

2. *Ratione qualitatis*, quod futurasit
1. *Libera*. Nam eo ipso, quod omnia

enumerat, quæ Hierosolymis consummada erant, & nihilominus tamen ascendiit, luculentiter demonstrat, quod non coacte sed voluntariè patiatur. Hinc est quod in Psalmodicit: *Ecce venio, in volumen libri scriptum est de me, ut facerem voluntatem tuam Deus meus, delectatus sum, & lex tua in medio cordis mei, Psal. 40. v. 8. quem locum de voluntaria oblatione Christi in cruce facta Epistola ad Hebreos rectè explicat, c. 10. v. 5. leqq. Vide etiam dicta similia *Esa. 53. v. 7. Johan. 10. v. 17. 18*. Hac spontanea & prompta voluntate Christi sanctificati sumus, *Ebr. 10. v. 10*. Sicut enim per inobedientiam primi hominis peccatores constituti sunt multi: Ita per unius obedientiam justi multi constituuntur, *Rom. 5. v. 19*. insuper etiam hac suâ obedientiâ nobis exemplum reliquit, ut sequeremur vestigia ejus, *1. Pet. 2. v. 21. & crucem impositam patienter suscipiamus, Matth. 16. v. 24*.*

2. *Congrua*. Nam Hierosolymas ascendiit, quia Hierosolymis pati & crucifigi debebat

1. *Propter typicam præfigurationem*, quia Isaacus notante Augustino, olim etiam hic immolari debuit, nempe in monte Moriah, super quem Hierosolyma ædificata est, *Gen. 22. v. 2*. In primis tamen ad sacrificia V. T. hoc ipso respectum est, quæ non nisi ad ostium tabernaculi fœderis, eo per consequens, non nisi in templo Hierosolymitano offerri debebant, juxta mandatum *Lev. 17. v. 4*. Omnia autem sacrificia V. T. fuere typi Christi, qui scipsum obtulit Deo in odorem suavitatis, *Ephes. 5. v. 2*.

2. *Propter spiritualem Christi cum Prophetis cognationem*. Nam quia non continet, ipso Christo afferente, Prophetam perire extra Hierosolymam, *Luc. 13. vers. 33*.

L Con-

Congruum utique erat, ut ipse etiam Hierosolymis pateretur, tanquam Propheta magnus, quem Deus populo suo promiserat, Deut.18.v.15. Luc.7.v.16.

3. Propter mysticam significationem. Sicut enim Hierosolyma in meditidio sita est, & umbilicus quasi fuit totius mundi : Ita passio Christi Hierosolymis peracta pretium est orbis terrarum, & ad omnes homines se sc extendit. Sicut etiam Hierosolyma est visio pacis, & typus vitae æternæ, Ap.21.v.2. Ita significatum fuit Christum passionem sua veram pacem & ingressum in cœlestem Hierosolymam nobis peperisse, Ebr.9.v.12.

3. Varia. Nam tradetur, inquit, filius hominis gentibus, nimis cum Pontio Pilato, & militibus ejus, Matth.27.v.2.26. Illudetur & conspuetur, quod factum in domo Caiphæ, Matth.26.v.67.68. cap.27.v.31. in domo Herodis, Luc.23.v.11. in prætorio Pilati, Matth.27.v.18.19. in cruce partim à Judæis, partim à militibus, partim etiam à latrone sinistro, Matth.27.v.39. seqq. de quibus illusionibus prædicti David, Psalm.22.v.7. flagellabitur, Matth.27.v.26. Occidetur. Id impletum est in crucifixione, Matth.27.v.35.

Varia illa ac multiplex Christi passio indicat varium ac multiplicem passionis frumentum. Sicut enim in pretiosissimis medicinis multæ species simul conjunguntur, præsertim si morbi sint complicati : Ita variae erant morborum nostrorum spiritualium species, proinde etiam in medicina his morbis opposita varias passionis species Salvator conjunxit. Gentibus traditus est, ut nos Patri cœlesti traderet, à quo per peccatum separati eramus, Esa.59.v.2. Illatus & confutus est, ut nos ab omnibus Angelis honorearemur. Flagellatus est, ut vibicibus suis

nos sanaret, Esa.53.v.5. Crucifixus & occisus est, ut morte suâ vitam nobis restauraret, 2.Tim.1.v.10..

Hoc grato pectore agnoscamus, & ex amore reciproco Christo in obsequium nos tradamus. Ideo enim mortuus est, ut qui vivunt, jam non sibi vivant, sed ei qui pro ipsis mortuus est, 2.Cor.5.v.15.

II. De resurrectione. Concio de passione erat ipsis scandalo, idèò addi: prædictionem secuturæ statim die tertio resurrectionis. Hæc duo Scriptura semper conjugit. Nam sicut traditus est pro delictis nostris, ita resurrexit propter justificationem nostram, Roman.4.vers.5. planè ut prædictum erat, Psal.110.v.7.

Quod autem tertia die se resurrecturus dicit, eventus ipse comprobavit. Nam in paræsce, quæ est dies nostra veneris ante Solis occasum sepultus est, Matth.27.vers.57. Luc.23. v.54. Sabbatho, qui est dies noster Saturni sub terra in monumento remansit, in quo posuit eum Iosephus Arimathæus, Joh.19. v.38. 41. illucescente Dominico die resurrexit à mortuis. Ita nimis prædictum erat à Deo, Acto.2. v.23. quin etiam ante tertium diem resurgere noluit, ut mora esset inter mortem & resurrectionem, & mors ejus vera crederetur, ut Chrysostomus loquitur. Si enim primo vel secundo die revixisset, facilimè Judei calumniari poterant ipsum non verè mortuum, sed ecclasiū aliquam perpeccatum fuisse.

Nos hoc tantum notabimus, ut sicut Christus in passione oculos cordis sui direxit ad lætissimam resurrectionis catastophen: Ita & nos sub crucis pondere ad promissam liberationem respiciamus, certò persuasi, quod passiones hujus seculi non sunt condignæ futura gloria, Rom.8.v.18.

IV. Con-

IV. Consequens fructus, qui certè per exiguis ratione discipulorum. Nam nihil horum intellexerunt, inquit Evangelista idque amplificat per verba aequipollentia, quæ proximè sequuntur, hoc modo: Eratq; haec res ipsi occulta, nec cognoverunt, quæ dicebantur. Ita notante Chrysostomo diversis verbis idem ter repetit, ut ostendat, quomodo affectus intellectum impedit, nimirum affectus ille terrenus de regno Christi mundano, quem filii Zebedæi aperte, produnt, Matth. 20. v. 20. Marc. 10. v. 37.

Tam stupidi & stulti sumus natu-
râ, teste Paulo, 1. Cor. 2. v. 14. proinde inge-
niscendum est semper cum Davide Ps. 119.
v. 18. Domine aperi oculos meos, ut videam
mirabilia legis tuæ. Ille habet optimum col-
lyrium Apoc. 3. v. 18. quo oculos cordis nostri
illuminat, Eph. 1. v. 18.

De Secundo.

Non immerito Christus dicitur Propheta potens in opere & sermone coram Deo & omni populo, Luc. 24. v. 19. Utriusque rei exemplum habemus in hodierno Evangelio. In priore parte demonstravit se *potentem in sermone*, dum nervosam de passione sua concionem ad Apostolos habuit. In posteriore verò demonstrat *se potentem in opere*, quod sit nimirum magister ille salvandi, qui cœcis visum, surdis auditum, mutis loquaciam restituere debet, juxta va-
ticinium, Es. 63. v. 1.

Nos in tria membra potiora totam tra-
stationem dispescimus.

1. Se offert cœcus mendicans.
2. Christus opitulans.
3. Populus glorificans.

Quod attinet cœcum mendicantem se-
det is in via propè civitatem Jericho. Mar-

cus cap. 10. v. 46. Battimatum appellat. Is cum exalii audiret Jesum Nazarenum præ-
terire, quanto potest animi & vocis clamore auxilium ejus implorat. Jesu fili David miserere mei.

Exceci hujus consideratione appetat

I. Peccati stipendum, quod est mors cum omnibus morbis & defectibus corporis, Rom. 6. vers. 23. postquam enim protoplasti nostri contra præceptum Dei prævaricati sunt, Gen. 3. vers. 1. non tantum imaginem Dei, sed etiam præclaras alias corporis & animi dotes amiserunt. Hinc Si-
rach. cap. 25. v. 33. à muliere, inquit, factum est initium peccati, & per illam omnes mor-
timur.

Peccatum igitur sola & unica causa est, quod tanta potestas Diabolo in homines permittitur, ut suam adversus ipsos tyran-
nidem exerceat, & infantibus etiam in utero materno non pareat, sed quandoque ex singulari Dei permissione lædat, ut exemplum coeci, Joh. 9. v. 1. & claudi, A&t. 3. v. 2. testatur.

Agnoscant hoc

II. Egroti, qui morbis periculis vel defectibus istiusmodi corporalibus à D E O visitantur, ut ad Deum configiant, & pec-
catorum veniam ab eodem petant, exemplo Ezechie, Es. 38. vers. 2. in primis verò, quod ipiis Deus propter peccatum inimicit patienter ferant, cum Micha c. 7. v. 9.

Mundus dè claudis, coecis, & sordis, &c. ut plurimum finitè judicat, juxta versicu-
lum:

Rari quippi boni quos sic natura notavit:
Sed Deus hos defectus corporis non respi-
cit, modò fides adsit, quâ unicè deleatatur,
Jerem. 5. v. 3. Ebr. 11. v. 6. ut exemplo Jacobi
claudicantis, Gen. 32. v. 31. & Tobiae cœci
manifestum est, Tob. 2. v. II.